

Bidasoa ♦ Valladoliden berdinketa eskuratu behar du gutxienez, eta Chapelak gal dezan errezatu

Azken aukera

Valladolidek bere pabilioian ez du galdu denboraldi osoan

18:30


VALLADOLID-BIDASOA

Pastor	Hernandez
12 Malumbres	12 Barreto
4 Alemany	11 Girault
14 Raul	18 Aitor
8 Campos	17 Vico
9 Pisonero	10 Josemi
10 Gallego	7 Valenzuela
11 Alex	15 Raphanel
1 Jorge	1 Gurutz
6 Miguel	7 Zuzo
15 Avila	8 Gudelj
18 Iker	14 Cortes

Epaileak • Fernandez / Permy
Pabilioia • Pisuerga

Gorka Zabaleta / Donostia

JOAN dira kalkuluak ateratzeko egunak. Lehen faseko azken jardunaldia iritsi da, eta Bidasoari, tamalez, aukera bakarra gelditzen zaio: Valladoliden irabaztea. Hori izan behar du Bidasoak helburu bakarra. Gero, Chapelak Galdarren aurka galtzen badu, nahikoa izango da puntu bat, baina irundarrek ezin dute hori aintzat hartu. Gaurko partidua Europako Kopako finala bezain garrantzitsua da, eta grina horrekin heldu behar diote. Valladolidek denboraldi osoan ez du partidurik galdu etxean, eta inoizko denboraldirik onena osatzen ari da, baina bihar ez du ezer jokoan, eta Bidasoak etekina atera behar dio egoera horri.



EDURNE KOCH

Nacho Vicoren golak oso garrantzitsuak izango dira gaur Valladolid mendean hartzeko.

Javier Sesma, itxaropentsu

Mario Hernandezek jokalaria guztiak eraman ditu Valladolidera, eta, haien ondoan, zalez beteriko hiru autobus joan dira. Javier Sesma presidenteak jarraitzaileek emandako erantzuna eskertu nahi izan du, eta itxaropen-

tsu agertu da gaurko partiduari begira: «Zaleek bikain erantzun dute azken jardunaldi hauetan, taldea egoera larrian dagoela konturatu baitira. Jokalariak oso ongi ikusi ditut, kontzentraturik. Azken jardunaldietan oso ongi ari dira. Uste dut jabetu direla egoeraz, eta aurreko hilabeteotan baino lan han-

diagoa egiten ari dira». Sesmak uste du Galdarrek irabazi egingo diola Chapelari: «Galdarreko jokalaria profesional handiak dira, eta gaur irabaztera aterako dira. Hori kontuan hartzen badugu, guretzat nahikoa izango da berdinketa, eta ez zait ezinezkoa iruditzen», amaitu zuen presidenteak.

Portland ♦ Nahikoa du gaur puntu bat lortzea Ciudad Realen hirugarren postuari eusteko

Berdinketa, Barcelonarekin ez topatzeko

18:30

CIUDAD REAL-PORTLAND

Lopez Leon	Ekisoain
16 Nuñez	1 Norklit
2 Trives	17 Ambros
7 Bebeko	3 Mainer
9 Hermida	18 Errekondo
14 Grebnev	10 Martin
5 Jimenez	11 Kisselev
18 Vidal	9 Villaldea
17 Manrique	2 Fetxanka
15 Lubian	7 Jauregi
1 Paco	13 Raul
4 Perez	6 Barbeito

Epaileak • Iniesta eta Hugel
Pabilioia • Puerta de Santa Maria

G. Z. / Donostia

FINALERDIETARAKO txartela eskuratu ondoren, Portlandek hirugarren postua ziurtatu nahi du Ciudad Realen. Gaztelarrak dira, hain zuzen ere, hirugarren postu hori ken diezaieketen bakarrik. Bi taldeek 33 puntu dituzte, baina Portlandek Arrosadiako partidua irabazi zuen, eta gaur nahikoa zaio berdinketa. Ez da, ordea, batere erraza izango, Ciudad Real bikain ari baita aurrean, eta nafarren nekea agerian

gelditzen ari baita azken jardunaldietan. Hala ere, Ekisoainek jokatzeko prest ditu lesionatuta zeuden ia jokalaria guztiak, eta San Antoniokoak azken ahalegina egiteko moduan dira. Villaldea, Barbeito eta Mainer osatu dira, eta Olalla da oraindik kilokolo dagoen bakarra.

Hirugarren postua lortzen duenak Ademar Leon izango du aurkari finalerdietan, eta ez du Barcelonarekin lehiatu beharko. Abantaila da, baina agian beste urteetan baino txikiagoa.

Ciudad Realek garaipena behar du

Portland finalerdietan da jadanik, baina Ciudad Realek puntu bat behar du gutxienez, Caja Cantabriak Granollers irabazten badio laugarren postua galduko bailuke. Horregatik, Rafael Lopez Leon entrenatzaileak bere taldearentzat denboraldiko partidua garrantzitsuena dela adierazi du: «Pena litzateke azkenean finalerdietatik kanpo gelditzea, baina Portland aurkari handia da».

Barakaldo ♦

Jaitsierako faserako urrezko bi puntu jokoan Galizian

Bizkaitarrek

Moldestad

norvegiarrarekin

jokatuko dute

18:30

CANGAS-BARAKALDO

Dzokic	Rivero
1 Soliño	1 Victor
3 Camacho	2 Bueno
4 Fajfric	3 Arraras
5 Kovacevic	4 Koldo
7 Escudero	5Abramenko
8 Soliño	7 Txabarri
10 Celes	8 Artiach
11 Marcos	18 Jon
12 Angel	12 Juan
13 Daniel	14 Kovalev
15 Pablo	15 Alzaga
17 Montes	17 Lanz

Epaileak • Breto / Huelin
Pabilioia • O Gatañal

Erredakzioa / Bilbo

BARAKALDO-UPVki bi puntu garrantzitsu ditu gaur jokoan, aspaldiko partez. Azkenengo jardunaldietan jaitsiera fasea prestatzen jardun ondoren, gaurko garaipena bilatuko dute Txanpiren jokalariek Galizian, bi taldeak jaitsiera fasean ikusiko baitute elkar. Ez da, ordea, batere erraza izango, galiziarrek talde gogorra baitira etxean. Hala ere, Txanpik Moldestad norvegiarra kantxaratuko du, eta horrek sendotasuna emango dio taldeari. Ezker lateralean jokatzen du, eta Txanpik jokalaria garrantzitsua izango dela uste du. Gaur irabazita, Barakaldok zazpi puntu litzuzke jaitsiera fase hasieran.

Sailkapena

Taldea	Puntuak
1. Barcelona	47
2. Ademar	37
3. Portland	33
4. Ciudad Real	33
5. C. Cantabria	31
6. Valladolid	28
7. Teucro	24
8. Galdar	23
9. Granollers	21
10. Chapelak	19
11. Bidasoa	18
12. Cangas	14
13. Altea	12
14. Barakaldo	10